

士材  
三  
あ

本草通元卷下

雲間李中梓士材父著述

吳中尤 乘生洲父增訂

木部

黃蘗苦寒沉而下降爲足少陰足太陽引經之劑肅清龍  
雷之火滋濡腎水之枯疏小便癰結驅下焦燥熱凡目  
赤耳鳴口瘡消渴血痢吐衄腸風腰膝痿軟者咸資其  
用東垣云小便不通而渴者熱在上焦氣分肺熱則  
不能生水法當淡滲猪苓澤瀉之類小便不通而不渴

者。熱在下。焦血分無陰。則陽無以化。法當滋陰。黃蘗知母是也。○愚謂黃蘗制下焦命門陰中之火。知母滋上焦肺金生水之源。蓋邪火焰。則真陰消。涸真陰消。渴則邪火益烈。取知蘗之苦寒。以抑南扶北。誠如久旱甘霖。然火旺胃強者。當之乃稱合劑。倘中氣已殘。則邪火雖亢。命曰虛炎。從事弗衰。將有寒中之變。非與甘溫則大熱不除。近世殊昧斯旨。而天枉者不可勝數矣。

**厚朴**苦溫。體重而降。脾胃藥也。溫中下氣。是其本功。凡健脾胃寬脹消痰止吐消食止痛厚腸利水皆溫中之力也。

○能瀉胃實故平胃散收之寒脹必需乃結者散之之  
義然行氣峻猛虛者勿多與也○東垣云苦能下氣故  
泄實滿溫能益氣故散濕滿○質厚色紫者佳去粗皮  
薑汁浸炒

杜仲辛溫入腎肝氣分之劑補腎則精充而骨髓堅強益  
肝則筋壯而屈伸利用故腰膝痠疼脊中攣痛者需之  
又主陰下濕痒小便餘瀝皆補力之馴致者也○酥炙  
或鹹酒炒去粗皮

樗白皮苦而微溫專以固攝爲用故瀉痢腸風遺濁崩帶

者並主之。然必病久而滑始爲相宜。若新病早服，強勉固澀，必變他症而成痼疾矣。○時珍曰：血分受病不足者，宜用椿皮。氣分受病有鬱者，宜用樗皮。○凡用剉去粗皮，生用則能通利，醋炙卽能固濟。

**乾漆** 辛溫降而行血毒而殺蟲。二者已罄其功能。若祛風止痛除嗽，埋傅尸，正行血殺蟲之效也。○性急多毒，弗得過用。凡畏漆者，嚼椒塗口鼻，免生漆瘡。如杉木如紫蘇如蠟患漆瘡者，皆可煎湯浴之。○炒令烟盡存性。

**金鈴子** 卽棟實，味苦性寒，導小腸膀胱之氣，因引心包絡。

相火下行故療心及下部疝氣腹痛殺蟲利水也 川

產者良酒潤去核焙○棟根白皮有殺蟲治瘡之功

**槐子**苦寒純陰肝經氣分藥也主清熱去濕故可療痔殺

蟲明目因齒腸風陰瘡吐衄崩帶

**皂莢**辛溫肺胃與厥陰氣分之劑通關節利九竅破堅積

搜風逐痰辟邪殺蟲隨胎○其味辛散其性燥烈吹喉

鼻則通上竅導二陰則通下竅入腸胃則理風濕痰喘

消腫殺蟲塗肌膚則清風去痒除毒消癰○治急喉痺

纏喉風用大皂莢四十挺切水三斗浸一夜煎至斗半

入人參末五錢甘草末一兩煎至五升去渣入無灰酒  
一升釜煤二匕煎如飴入瓶封埋地中一夜每溫酒下  
一匙或掃入喉內取惡涎盡爲度後含甘艸片○中風  
涎潮昏悶宜稀涎散大皂莢末一兩明礬五錢每服五  
分水調灌不大吐只微微涎出○核治大腸燥結瘰癧  
腫毒○刺能治癰未成能消已成卽潰直達瘡所甚驗  
又治癘風殺蟲頗著神功

**訶子**酸苦溫肺與大腸之藥也酸澀能固腸正瀉苦溫

可下氣寬中止嗽化痰亦下氣之力腸風止血乃固腸

之功生用則能清金行氣煨用則能暖胃固腸○沈氏  
國大魚放涎水中凝滑船不能通投訶子湯尋化爲水  
則化痰可知○麴褰煨透去核

**水楊**苦平主久痢赤白癰腫痘毒○魏直云痘瘡頂陷漿  
滯不行或風寒所阻以水楊枝葉五斤流水一大釜煎  
湯溫浴之如冷添湯良久纍起有暈絲者漿行也未滿  
再浴虛者只浴頭面手足初出及痒塌者勿浴如黃鍾  
一鼓而蟄虫啓戶東風一吹而堅冰解凍誠有變理之  
妙也

蘇木辛溫殺虫消積主痔瘻惡瘡疥癬

蘇木甘辛微酸三陰經血分藥也發散表裏風邪疏通稽留惡血風與血皆肝所主大都入肝居多少用則和血多用則破血

櫻櫚皮性瀉止吐血衄血腸風下痢崩中帶下蓋瀉可去脫宜于久病不宜于新病○炒極黑存性

巴豆辛熱祛藏府停寒破堅積痰癖開通閉塞疎利水穀破血排膿殺虫辟鬼○巴豆稟陽剛雄猛之性有斬關

奪門之功氣血未衰積邪堅固者誠有神功老羸衰弱

之人輕妄投之禍不旋踵○巴豆大黃同爲攻下之劑  
但大黃性冷府病多熱者宜之巴豆性熱藏病多寒者  
宜之故仲景治傷寒傳裏惡熱者多用大黃東垣治五  
積屬藏者多用巴豆世俗未聞此義往往以大黃爲王  
道之藥以巴豆爲劫霸之品不亦謬乎○若急治爲水  
穀道路之劑去皮心膜油生用緩治爲消堅磨積之藥  
炒令紫黑用炒至烟將盡可以止瀉可以通腸用之合  
宜効如桴鼓此千古之秘人所不知○紙包壓去油者  
名之巴霜○巴豆殼燒灰存性能止瀉痢

桑白皮甘辛西方之品也瀉肺氣而痰水喘嗽皆除長於  
利水乃肺金實則瀉其子也古稱補氣者非若參茸之  
正補乃瀉邪所以補正也脉者信爲補劑而肺虛者亦  
用之失桑皮之面目矣刮去皮蜜水炒○子名桑椹  
安神止渴利水消腫

**楮實**甘平益腎助陽癆腫去水能軟骨治噎

枳殼苦辛微寒疏泄肺與大腸之氣故能逐水消痰化食  
寬脹定嘔止瀉散痞止痛○小者名枳實功力稍緊夫

枳殼枳實氣味不異功用相同古云枳殼主至高之氣

枳實主下主血狀仲景治上焦胸痺痞滿多用枳實古  
方治下焦痢痔腸結多用枳殼由是則枳實不獨治下  
而枳殼不獨治高也蓋自飛門以至魄門皆肺主之三  
焦相通一氣而已則二物皆主利氣又何必分耶○去  
穰麴炒

梔子苦寒肺經藥也輕飄上浮所以瀉肺中之火金官不  
被火擾則治節之令自能通調水道下輸膀胱故丹溪  
云能屈曲下行降火從小便泄去也○寇氏曰仲景治  
汗吐下後虛煩不眠用梔子豉湯亡血亡津藏府失養

內生虛熱非此不除也。○仲景多用梔子茵陳取其利小便而蠲濕熱也。○古方治心痛每用梔子此爲火氣上逆不得下降者設也。今人泥丹溪之說不分寒熱通用梔子虛寒者何以堪之。○炒透用

**酸棗仁**味酸性收故其主療多在肝胆二經肝虛則陰傷而煩心不臥肝藏魂臥則魂歸於肝肺不能藏魂故目不得瞑棗仁酸味歸肝肺得養故熟寐也其寒熱結氣痠痛濕痺臍下痛煩渴虛汗何一非東方之症而有不療者乎世俗不知其用誤以爲心家之藥非其性矣

山茱萸味酸微溫肝腎之藥也暖腰膝興陵道固精髓縮  
便溺益耳目壯筋骨止月水蓋腎氣受益則封藏有度  
肝陰得養則疎泄無虞味酸本屬東方而功力多在北  
方者乙癸同源也。湯潤去核核能滑精切勿誤用

金櫻子酸澆而平是以固精止瀉職有專司當其半黃之  
時正屬採收之候若至紅熟則味已純甘全無澆味安  
在其收攝之功哉。丹溪云經絡隧道以宣暢爲和平  
而昧者資其澆性以取快慾必致他疾自不作清咎將  
誰執。去核并白毛淨

郁李仁甘苦而潤其性主降故能下氣利水破血潤腸○  
拌麴作餅微炙使黃勿令太熟空腹食之當得快利未  
利再進以利爲度如利不止以醋飯止之忌食酪及牛  
馬肉神驗但須斟酌虛實勿得浪施也○湯浸去皮尖  
及雙仁者研如膏

女貞實苦平補腎養神黑髮明目○冬青乃少陰之精遇  
冬月寒水之令而青翠不改則其補腎之功從可推矣  
○酒浸蒸晒

五加皮辛溫入肝腎兩經腎得其養則妄水去而骨壯故

能主陰痿脊疼腰痛脚軟諸症肝得其養則邪風去而筋強故能理血瘀拘攣疝氣痛痺等症仙經贊其返老還童雖譽詞多溢然五加造酒久久服之添精益血搜風化痰強筋壯骨卓有奇功且其氣與酒相宜酒得之其味轉佳也

枸杞子味甘氣平腎經藥也補腎益精水旺則骨強而消渴目昏腰疼膝痛無不愈矣○弘景云離家千里勿食枸杞甚言其補精強陰之功也○按枸杞平而不熱有蒲水制火之能與地黃同功而除蒸者未嘗用之惜哉

地骨皮卽枸杞根也苦而微寒主治皆在腎肝夫腎水不足則火旺而爲骨蒸煩渴吐血虛汗肝木不寧則風淫而爲肌痺頭風及骨槽風惟地骨皮滋水養木故兩經之症悉賴以治○洗淨沙土

蔓荊子辛而微溫足太陽經藥也主太陽頭風頂痛目痛  
翳淚亦固齒○去白膜酒炒打碎

山茶花止吐衄腸風取紅者爲末煎酒調服

密蒙花甘寒主目痛赤膜多淚羞明障翳○酒蜜拌微炒

側柏葉苦辛微溫主吐血衄血痢血腸風崩帶濕痺冷風